



05371

批點明詩七言律卷八

東明穆文熙敬甫批選

石 星拱辰閱正

長洲知縣劉懷恕校刊

莆田陳知占繕書

李攀龍

字于鱗號滄溟濟南人嘉靖間進士官按察使

○ 崔駙馬山池燕集得無字

穆子曰于鱗構思玄遠造語精深如蒼崖古壁齒牙周鼎奇氣

主家池館帝城隅。上客相如漢大夫。十里芙蓉迎劍
馬。樽風雨對江湖。橋邊取石鯨魚動。臺上吹簫鳳

明詩七言律卷八

有無向夕不堪車馬散。朱門空鎖月明孤。

送郭子坤下第還濟南

華省栖遲白髮新。因憐失意轉憐春。樽前病起逢寒
食客裏花開別故人。賦就自堪生顧盼。才高豈合老
風塵。燕臺郭隗君家事。不擬驂騑不致身。

○ 送王郎守安慶

花滿胡姬春酒樓。使君五馬五驂驪。明光起草推高
第。三十專城領上游。天柱西懸江漢影。海門東控帝
王州。到來紆畫思。同舍萬里風煙白鴈秋。

自不可掩王元美以為詩至于鱗而化

○ 劉員外家宸翰樓

君家司寇此樓居，奕葉承恩片帖餘。帝自經筵傳翰墨，人從冊府見圖書。雲煙繞檻生春色，牛斗開函散楚墟。弦誦只今諸弟滿，韋賢相業好誰如。

○ 送大司寇顧公之金陵

聞道銅標護百蠻，當朝共擬伏波還。來持滇海中丞節，入領西曹法從班。曳履青雲高北斗，迴車秋色照鐘山。顧期門客江城滿，草奏時時達漢關。

詩送是堂余公總憲湖南

明詩卷八

二

英

攬轡江湖萬里清，使君三楚舊知名。陽春未許尋常和，明月堪償十五城。行省重臣推掌憲，中原多事盛談兵。遙憐傲吏同秋色，不淺南樓庾亮情。

酬黃山人郡中見懷之作兼呈魏使君

千山佳色郡齋前，楚客相思秀句傳。白雪調成堪自老，青雲名在好誰憐。胡牀夜傍南樓月，濁酒春開北海天。羨爾風流陪坐嘯，轉令人見使君賢。

子與病起移書二美吳下群賢爰修禊事踴躍

勝遊遙爲屬寄

意興高遠
勝遊可想

伏枕經春憶舊遊。永和三日命扁舟。一時藝苑人亡
恙。千載蘭亭事可求。吳下山。川何蘊藉。王家兄弟本
風流。獨憐搦管傳觴處。有客中原自白頭。

送黃侍御按滇中

去矣乘風瘴癘開。西南萬里壯遊哉。登臺越雋山形
合。攬轡昆明秋色來。周禮職方天外盡。漢臣封事日
邊迴。征蠻幕府今凋落。安得樓船下瀨才。

早春得汝思蜀中書

萬里誰傳錦字迴。楚天搖落正堪哀。揚舲巫峽江聲
合。立馬岷峨雪色來。西極使星遙入部。中原人日好
登臺。莫言羽獵誇胡後。不數楊雄作賦才。

送大中丞王丈赴山東

天下軍儲飛輓來。中原胡虜戰爭回。漢柱舊題驄馬
使。名家接武佩刀才。按章時拂風塵入。憲府秋臨海
岱開。主恩偏憶嚴城日。什二東秦保障哉。

再呈何公

幾年開府漢中丞。去後功名何武稱。荆楚軍儲遮海
過。潢池兵氣向秋澄。尚書北斗天喉舌。司寇西曹帝

朕騰耆舊即今推濟美。清朝劔履坐相仍。

韋氏池亭同元美子與子相賦

一時群美之會宛在目前

黃酒新豐解佩刀。相逢意氣為君豪。孤亭晝敞杉松色。白石青舍薜荔高。自向風塵偏勝蹟。豈令湖海傲吾曹。從他桂樹山中發。招隱何勞更反騷。

華髮文章媿不工。獨憐諸子調相同。西京矯矯多奇氣。東海泱泱自大風。三署仙郎攜酒後。一時詞客此亭中。白雲寒廓迷幽薊。駟衍談天碣石宮。

送李司封謫廣陵

明詩三百律卷八

四

韋儻

讀之可令人痛哭

明光起草羨青春。服藥求仙笑此身。白首雲霄空荐士。黃金湖海未逢人。廣陵鴻鴈來秋色。寒雨江楓度逐臣。見說故園湘水上。懶將詞賦弔靈均。

○ 同元美子與子相公實分賦懷太山得鐘字柬

順甫

東岱孟岳之宗也作賞與並雄

域內名山有岱宗。側身東望一相從。河流曉挂天門樹。海色秋高日觀峯。金篋何人探漢策。白雲千載護秦封。尚來信宿藤蘿外。杖底西風萬壑鍾。

送大司寇應公歸台州

搖落黃金駿馬臺。都門供帳亦賢哉。炎蒸想見乘輅
出北斗。旋聽曳履回秋色。白雲生海嶠。主恩華髮臥
天台。西曹官屬銜知遇。東閣清時好再開。

和馬丈見送巡海之作

樓船遙指越王城。萬里波濤按部行。門下有人惟說
劍。江南何處不談兵。長纓我愧山東妙。銅柱君懸海
外名。忽訝天台霞色起。開械彩筆更縱橫。

送殷正甫使河洛

中州一望氣雄哉。北極風塵使節開。卜洛自存宗社

明詩七言律卷八

五

章循

步驟淺深
可為詩法

計遊梁更見長卿才。春晴嵩少雲邊出。雪盡黃河天
上來。在昔孝王誇授簡。何當置酒向平臺。

徐子與席懷梁公實

共指金莖雪色間。鳴珂當日滿朝班。即看徐孺能懸
榻。豈謂梁鴻更出關。薄宦天涯白首故人江上買
青山。嶺南梅樹今堪折。贈我寧驛使還。

懷子相

薊門秋杪送仙槎。此日開尊感戚華。臥病山中生桂
樹。懷人江上落梅花。春來鴻雁書千里。夜色樓臺雪

中聯子相
自嘆以為
不可及

生句起絕
今古

萬家南越東吳還獨往應憐薄宦滯天涯

○於郡樓送茂秦之京

把酒高樓眺暮春孤城落照濁水濱自憐白髮常為客誰道青山不負人西署詩名工下氣象中原宦跡任風塵元龍未下當時傲湖海看丑但意轉親

○趙州道中憶殿卿

憶爾檐帷出牧年風塵誰識使君賢政成神雀猶堪下興盡冥鴻遂杳然樹色遠浮疎雨外人家忽斷夕陽前重來此日逢寒食何處看春不可憐

明詩上言律卷八

六

除夕元美宅

蓬萊佳氣舊霏微把酒千門朔雪飛繾綣綈袍回夜色縱橫綵筆動春暉何來天地愁相向自信風塵意不違漢主明朝還受計君看五馬賜金歸

○真定大悲閣

高閣峻嶒倚素秋西山寒影挂城頭坐來大陸當窓盡不斷滹沱入檻流下界蒼茫元氣合諸天縹緲白雲愁使君趨省無多暇暫爾登臨作壯遊

○初至京與元美明卿子與分韻

隱然自負
不露圭角

邢州計吏入長安。春色西山雪裡看。天地容吾常落落。
氣寒握手依然無。長客可知千載和歌難。

送明卿謫江西

海上風塵未罷兵。如何嚴助厭承明。故人慘澹浮雲色。
逐客蕭條白雪情。落日掛帆彭蠡澤。清秋伏枕豫章城。
詩篇已側當時目。不必兼傳抗疏名。

與元美登郡樓得雲字

搖落高樓此對君。天涯不復有離群。銜杯大麓來秋

田詩三律卷八

七

色。倚檻邢臺過白雲。樹杪人家漳水出。城頭風雨太

行。分極知今日。同王粲賦就還應鄴下聞。

懷慶道中雪

飛雪長驅使者車。太行秋色滿天涯。虛傳梁苑平臺賦。
真作河陽一縣花。流影風前迎劔氣。寒光樹杪澹人家。
問津明日知何處。千里西來有漢槎。

崆峒二首

風塵問道欲如何。二月崆峒覽勝過。返照自懸疏隴樹。
浮雲忽斷出涇河。長城雪色當峰盡。大漠春陰入

于鱗登陘
峒華岳諸
詩如鶴鶴
凌風超然

塞多已負清尊尋窈窕還將孤劍倚嵯峨。

誰道崆峒不壯遊香爐春雪照涼州浮雲半插孤峰
色落日長窺大壑愁萬乘東還靈氣歇諸天西盡濁

涇流蕭關祇在藤蘿外客子風塵自白頭。

杪秋登太華山絕頂二首

二首如呂
梁流木噴
薄千里

太華高臨萬里看中原秋色更漫漫振衣瀑布青雲
濕倚劍明星白日寒東走峰陰搖砥柱西來紫氣屬
長安自憐綵筆驚人在只尺天門謁帝難。

徙倚三峯峯上頭蕭條萬里見高秋蓮花直撲青天

明詩七律卷八

八

餘韻

色玉女常含白雪愁樹杪雲霾沙漠氣巖前日暈漢
江流停杯一嘯千年事不擬人間說壯遊。

贈符卿李伯承使東藩

漢宮春色照蘭臺符節分曹右掖開司馬長卿詞客
幸東方曼倩侍臣才海濱城闕浮槎下天上風雲擁
傳來無那故人常伏枕論詩還為一銜杯。

春風紫禁日朝天帝寵東藩奉使年直省月臨三殿

出輅車星度九河懸綈袍忽動青雲色華髮逾驚白

雪篇莫道故人霄漢少如君侍從總堪憐。

贈李明府暫詣廣川奉送景王之國

帝寵親王出牧年。逢迎東道借才賢。郎官舊列星辰上。朱邸新開日月邊。千乘旌旂分羽衛。九河春色護樓船。知君不廢鳴琴興。應教還操桂樹篇。

殷太史正甫至自太山為贈

明堂天子昔登壇。御道風流擁漢官。海色迴臨三觀動。春陰不散五松寒。白雲忽向封中出。玉牒誰從篋裏看。此日滿朝求禪草。相如早晚入長安。

又作此問正甫

明詩言律卷八

九

劉安

當時問訊之意死然

上宮春色自何年。阿閣神房幾洞天。囊裏定攜三秀草。懷中曾擬四愁篇。射牛漢蹟今猶在。繫馬吳門似杳然。七十二家論祀典。還朝可奏聖人前。

送吳峻伯之楚

才子風流滿禁林。傳經海岱主恩深。諸生自紀銜魚事。千里誰知相馬心。王氣日隨江漢轉。方城春壓洞庭陰。憐君官跡偏形勝。四十叅藩豈滯淫。

送劉侍御歸臺二首

二詩者、駿行室

才子高名八使中。登車千里競稱雄。西臺入奏聞天

語東海陳詩見國風伏柱久推三楚駿還朝爭識五花驄極知未盡澄清意獻納猶堪寵漢宮

繡斧東來按部年一時風氣萬人傳烏臺高傍黃圖起青囊遙依紫極懸三殿直聲推許國九河秋色送朝天正逢宣室齋居日羨爾持書捧御筵

送馮汝言學憲之浙江

使者清秋擁漢槎五雲回首望京華傳經南國推高第執憲中朝屬世家紫氣欲臨滄海日綵毫先動赤城霞還披絳帳延諸少為報西施剩浣紗

明詩七言律卷八

十

列女

儒臣捧詔外臺居况復揚波海晏如門下美才收竹箭臥中高士羨桐廬山川半入吳都賦風俗兼傳越絕書始信工文官自達主恩垂老不曾踈

過吳子玉函中草堂

玉函山色草堂偏恰有幽人擁膝眠樹杪徑迴千洞合窓中天盡四峯連綠陰欲滿桑蠶月白首重論竹馬年就此一尊無不可因君已辨阮家錢

魏使君重過山樓分賦得空字

使君千騎又從東此日登樓作賦雄樹杪平湖元在

地簷前疊嶂半。淨空煙霞色。借雙轡動牛斗。光搖一
劍通。自入鹿門常謝客。誰能濁酒過龐公。

湖上草堂為德甫賦

城下春江繞戶斜。誰開三徑俯龍沙。客攜彭澤先生
酒。人指南州孺子家。一劍寒光搖北斗。千山秋色送
雲霞。只今海內無同調。高枕從君老物華。

謝魏使君題白雪樓

白雪新題照畫闌。鮑山堪此對盤桓。楚宮一送江天
色。郢曲長飛海氣寒。繞夜朱絃清自語。凌雲綵筆老
相看。使君不是元同調。千載陽春和者難。

明詩七言律卷八

十一

吳使君自建寧移邵武

十載徘徊侍從群。銅符更向七閩分。且疑落冕終遷
客。也自風流一使君。五馬忽驚龍渚氣。雙轡猶畫幔
亭雲。已知才子官難起。無那吳郎雅好文。

送魏使君入朝

青春五馬入朝天。稍似明光草奏年。方岳只今雄海
岱。山河原自壯幽燕。風雲忽傍檐帷起。日月猶臨省
署懸。况復政成聞問好。黃金不是主恩偏。

送魏使君兼呈吳邵武

如雲計吏集神京。此日江湖見友生。自是古今雙五馬。居然南北兩專城。漢廷交映黃金詔。楚客同蜚白雪聲。治行不知誰第一。獨應巖穴愧高名。

寄元美三首

聞君雨雪到青州。春盡鴻書未可求。莫問彈冠千載事。徒令把袂故人愁。浮雲萬里中原色。落日孤城大海流。自昔風塵驅傲吏。還能伏枕向清秋。

紫塞春風散羽書。使君高枕見離居。人間不識胡名

明詩七言律卷八

七

劉安

馬門下猶傳海大魚。開府少陽還氣色。登臺東嶽復何如。遙知醉後吳歌發。落日蕭條薄望諸。

不盡青山帶落暉。美人何處送將歸。城邊澗水寒如酒。馬首浮雲曳作衣。春到他鄉還健食。時危薄宦豈雄飛。自從二子中原別。回首風塵萬事違。

病間答許殿卿

病客高齋黯澹生。何來一札大梁城。夢回滄海風雲色。春落黃河雨雪聲。伏枕自須疑慢世。曳裾兼亦似逃名。可知枚馬元同調。誰見千秋出處情。

南海歐生自京師遺書于大梁屬許右史為致

答此

中原才子動相聞。誰復高名得似君。
南海一珠懸北斗。黃河雙鯉墮青雲。
城邊五色羊何在。臺上千金馬不群。
獻賦幾年猶未遇。羅浮春思坐氤氳。

○送魏按察之路

壺關上黨切雲霄。憲府中天插漢標。
山勢西臨三晉險。地形東控兩河遙。
名從出守高郎署。策本和戎寵聖朝。
盡道疆場懸節鉞。猶能書札滿漁樵。

明詩七言律卷八

三

徐南

○上朱大司空

河堤使者大司空。兼領中丞節制同。
轉餉千年軍國壯。朝宗萬里帝圖雄。
春流無恙桃花水。秋色依然瓠子宮。
太史但裁溝洫志。丈人何減漢臣風。

○許殿卿擢左史

萬里檐帷逗主恩。長裾一再歷寒溫。
諸侯賓客梁園盛。帝子官僚相國尊。
誰為從旁駮駟馬。自應虛左逼夷門。
况兼詞賦凌雲氣。漢署風流可更論。

○明溪篇二首贈周都閩

春流一聯
王元美
稱之以為
不可及

如或陳陳
兵用光耀
日

明溪斜帶越臺高。遠送清光照錦袍。勢奪潮聲雄鼓
角。波分海色壯旌旄。浮雲深控嫖姚騎。秋水常函別
駕刀。翻恨普天無戰鬪。臨觴不得更投醪。
越臺山下小江干。一曲遙開漢將壇。槎動星河天上
下。陣成魚鳥鏡中看。戈鋌忽溢澄潭色。組練偏縈素
渚寒。此日非熊應入夢。心隨渭水到長安。

寄題元美葺經閣

岩堯飛閣太湖傍。有客翻經日滿牀。白馬尚留霜練
影。彩毫應帶雨花香。當年張掾生秋興。何處支公坐
道場。君自風流兼二子。吳門極目正茫茫。

明詩七言律卷八

五

徐權

九里松圖為馬侍御作

奇古真如
蒼松讀之
亂蟪欲動
武林佳氣日蕭蕭。夾道長松入望遙。黛色總疑天目
雨。寒聲不辨浙江潮。含凄風自枯鱗起。倒影雲隨偃
蓋飄。非值有心同竹箭。懸蘿爭敢附高標。

寄題况吉甫藥湖別業在荷山下

湖上高齋萬木齊。白雲長在楚天西。落霞一散燒丹
火。秋水遙通濯錦溪。伏枕自來詩不廢。扁舟誰為酒
同攜。南峯盡作蓮花色。曾是玉喬隱遁栖。

秋夜白雪樓贈周公瑕

日落風清竹樹林。一尊飛閣敞秋陰。纔逢狗監人先老。能到龍門客自深。海上共懸明月夢。山中堪贈白雲心。陽春寡和休言誤。此夕因君作楚吟。

登華不注山送公瑕

鴻鴈高飛木葉丹。逍遙臺上一憑闌。浮雲不動孤峯起。落日長臨二水寒。多病故人書未達。中原秋色醉相看。預愁匹練江南道。極目吳門駐馬難。

題周天球小象

落鳧吳門五十春。懶從高閣畫麒麟。此中墨客爭知妙。何處詞人更有真。白眼自宜置丘壑。紅顏元不染風塵。東墻休挂喬家女。夜恐周郎作後身。

答元美吳門邂逅于鱗有贈二首

徵君巖穴雅能深。出處人間總陸沉。流水乍含鍾子調。浮雲不繫邴生心。關門紫氣長來徃。海上青山更古今。世事彈冠難自料。風塵容易是抽簪。

萬里風雲北極生。中原二子舊齊名。居然霄漢雙封事。自是江湖一宦情。天借客星高物色。歌回春雪壯

三詩想見
劇談戲論
扼腕抵掌
之狀

潮聲何妨邂逅成佳會正復相思命駕行。

大閱兵海上四首

指麾籌畫可想將略工部論諸將五首不得擅美矣

使者乘輅大閱兵千艘並集甬句城騰裝殺氣三江
合吹角長風萬里生帳擁樓臺天上坐陣回魚鳥鏡
中行不知誰校昆池戰橫海空傳漢將名

四首如春霆發響動雲龍飛

戈船諸校錦征袍水戰當場命客豪萬櫓軍聲開島
嶼千檣陣影壓波濤赤城深泛旌旗動的遙銜竹
箭高東海便應銅柱起何妨馬援是吾曹

列檻如城積水前援枹擁棹出行邊桔槔氣逆流烏

兩詩七言律卷八

十六

吳

火組練光搖太白天鷲鶴一呼風雨集龍鬣雙駕斗
牛懸即今萬國梯航日竝識君恩浩蕩年

新開帷幄控朝宗萬里波臣老折衝海氣抱吳遙似
馬陣雲含越總如龍中流鼓應潮聲疊下瀨戈迴日
影重自有長纓堪報主誰言白雉竟難逢

元美起家按察河南寄促之官

語涉傲世意興超然有神龍不可羈鎖之意當為茲集壓卷

莫道漁樵計已安主恩堪為一彈冠足知上國群
公疏猶作中原二子看虎觀迴連豈少起龍門高倚
大江寒與君聊玩人間世明日抽簪未是難

杜青州按察楚中

東方千騎古諸侯，憲府新開大楚秋。
北海清風猶滿座，武昌明月更登樓。
五雲過郢朝佳氣，三峽吞江擁上遊。
此地功名誰得似，君家元凱自荊州。

○寄賀天官殷少宰晉大宗伯

○十載詞林供奉中，史才經術並稱雄。
恭承三命銅龍署，兼典諸儒白虎通。
要地持衡當北斗，清聲曳履入南宮。
猶言紫極氤氳處，非復文章八座同。

○顧中翰祭告德衡二藩兼有事沂山東海

聖主新恩北極開，侍臣銜命出燕臺。
三齊茅土星潢近，二國松楸雨露回。
白丈自天垂瀑布，五雲佳氣接蓬萊。
俱言海嶽遊偏壯，為有王褒作頌才。

○登黃榆馬陵諸山四首是太行絕頂處

太行山色倚巔屹，絕頂清秋萬里看。
地折黃河趨碣石，天迴紫塞抱長安。
悲風大壑飛流折，白日千崖落木寒。
向夕振衣來宿雨，關門蕭瑟罷憑欄。

雄詞麗句
盛唐作家
當為却步

西嶺高秋大陸前，馬陵寒影踏還天。
群峯不斷浮雲色，絕嶂長留落日懸。
地險關門銜急峽，山奇削壁挂

飛泉何人更遇青泥飯有客空歌白石篇

西來山色照邢襄北走并州擁大荒巨麓秋陰沙渺

渺石門寒氣雨蒼蒼天邊暉晚窺句注樹杪飛流挂

濁漳搖落故人堪極目朔風千里白雲翔

千峯郡閣望嵯峨此日褰帷按塞過落木悲風鴻鴈

下白雲秋色太行多山連大陸蟠三晉水劃中原散

九河回首薊門高殺氣羽林諸將正橫戈

王崇古

字學甫宛鎰川蒲州人嘉靖辛丑進士官兵部尚書

泛湖

明詩七言律卷八

大

萬頃芳湖一望平扁舟搖曳九愁輕晴天倒浸南山

色午夜低垂北斗明進艇漫隨鷗鷺侶鳴榔偏稱菱

荷情菱虛忽憶十年事老大空慙未請纓

諸大綬

字部侍郎

號南明山陰人嘉靖間狀元官禮

送崑崙高太史奉使還蜀

清宵天祿正然藜斲捧周圭出玉墀回望五雲天咫

尺行看三峽路逶迤晚風亂度猿聲急曉月橫浮嶽

色奇知是相如擅詞賦登臨到處有新詩

陳宗虞

號六亭閩中人嘉靖中官副使

三晉多風雅今不覺其

刻本不得健

王公碑墓

世詩復爾雅絕俗可謂無才

蘇軾應
舒曉陳君

詩皆過於
激烈此作
則純然大
雅也

黎惟敬宅餞伯宗得聞字

雪後高城落暮雲。夜寒杯酒惜離群。燕臺不市千金
骨。湘岸空嗟九辨文。一劍光隨犀浦動。片帆春帶鷺
洲分。天涯吾亦隨萍梗。鴈帛從今何地聞。

元日朝回望西山雪霽柬高右史伯宗

紫陌朝回散履聲。西山殘雪萬峯明。雲沉玉樹開三
殿。春控瓊樓下五城。月色遙凌青海動。天光倒射赤
霞生。風前一曲幽蘭調。倚限湘波郢樹情。

俞憲 號是堂無錫人嘉靖間官副使

明詩上言徑卷八

九

夜渡君山遊望寄吳明府

空江誰道有孤航。夜月隨風渡渺茫。極浦奔濤喧欲
立。斷沙殘柳不成行。漁人聚網知潮信。獨鳥驚林覺
曙光。安得遂逢彭澤宰。蒲傾山院菊花觴。

郭崇嗣 字承芳號草堂肥鄉人嘉靖壬戌進士官憲副

登岳陽樓觀洞庭湖

歲晏驅車過岳陽。危欄把酒日蒼蒼。洞庭水闊商帆
集。楚岫雲開鴈字長。泣竹千年悲二女。懷沙何處弔
三湘。蕭蕭風葦江流急。欲賦登樓意未央。

俞公集百
家詩可謂

苦心其自
為詩不多
見錄其音
稍見作家

承芳曾以
長句為余
題畫余珍
重之茲於

他集中得
律詩一首
聞有燕石
稿當次第
出矣

李承露

字

號墨渾貴竹人

新息侯祠二首

伏波祠下水波明。秋日登臨宿雨晴。遂使五溪歸禹貢。至今故老話南征。笛飛猶想門生韻。政謗何非聖主情。馘馬墜鳶千載志。裂帛從此請長纓。

累貨散盡事遊敖。大器將無一舉豪。豈有井蛙稱帝子。能傳刻鵠訓兒曹。椒房不得開生面。榆塞真成凋節旄。釃酒踟躕懷古意。楚山翠峯壓江濤。

上羅學院二首

明詩七言律卷八

二十

山斗才名震帝京。詔從燕趙領諸生。繡衣不淺驅豹意。絳帳尤懸相馬情。大麓風雲皆動色。洛江桃李總含英。挽回渾厚湏公手。庶以成賢答聖明。

朔教觀風今在茲。霜威化雨凜同施。不緣季代剽錐俗。再見成周禮樂時。買駿何妨登郭隗。賞音無憚過鍾期。勞歌白石空悲感。合有凌雲荐所知。

侯一元

號二谷浙樂清人嘉靖間進士官布政

贈王公督學楚中

長江千里白波來。盡舸風輕五兩催。新雨曉看雷澤

漲米壺秋映洞庭開。洲前落月聞湘瑟。峽外飛雲見楚臺。辭賦郢中應一變。漢家方重馬卿才。

李文麟字應禎號韋菴無錫人嘉靖間郎中

○送江荆石尹高安

江淹風藻本翩翩。建業相逢復幾年。舊國春深持去檄。帝城花落對離筵。司空署裏才初試。必子琴中曲已傳。別後思君何處所。瑞陽江上片帆懸。

蘇濂號鴻石濮州人嘉靖間鴻臚

獨酌

明王言律卷八

廿一

何成德

門巷人無問字過。天涯客子意蹉跎。黃金不復燕臺事。易水空懷壯士歌。九塞烽煙催餉急。七陵風雨入秋多。音書寂寞年華晚。不飲其如旅况何。

洪孝先字從周號霍山永嘉人嘉隆間山人

秋興二首

余壽於友
處晤山人
太史稱山
人能詩後
余與石拱
辰南歸山
人贈之詩
有云有舌
薊門秋望碧雲深。結社還思臥石林。木葉西風看似錦。音書南國到如金。哀猿嘯處長流涕。倦鳥歸時總息心。自是蓴鱸堪寄興。扁舟欲泛五湖陰。
曾聞武帝有行宮。辛苦朝朝禮太空。鶴駕一從辭夜

蘇君與李伯承同里音節頗同

能忘死全
交肯獨生

又示余夙
所作秋興

八首余讀
之果知久

能詩也今
為錄二首

馬

叔承放曠
頗似太白
尤當觀其

仁境

月。星。壇。長。自。鎖。秋。風。彩。幡。半。落。寒。雲。外。畫。壁。全。銷。別。殿。中。舊。日。詞。臣。多。意。氣。謾。令。玄。草。擬。楊。雄。

呂時臣

字中甫號甬東鄞縣人隆萬間山人

諸公邀登甘露寺留別

天風飄忽芾袍輕。兩度登臨慰客情。踈磬雨催山寺曉。亂帆春放海門晴。江迴錢甕三吳盡。潮過金陵七澤平。明日別離何處問。斷腸煙樹漫蕪城。

王承父

字叔承號崑崙吳人嘉隆間山人

金山

明詩七言律卷八

三

成

竈宅龍宮紫氣驕。壯遊南北倚青霄。蜀江萬里來春水。吳嶼千尋帶暮潮。夾岸帆檣楊子渡。隔天雲樹廣陵橋。臨流無限風塵思。濁酒淋漓劍影搖。

遊觀音巖燕子磯因感梁王達磨故事

觀音高閣迥巖扉。客酒憑陵燕子磯。山帶石城孤寺立。潮平江國亂帆飛。故宮木葉空金盃。荻渡蘆花失寶衣。我亦乘風欲西逝。少林秋老白雲歸。

九日雨花臺二首

百尺蒼臺天一涯。鳳城煙火映江沙。孤杯不見三秋

菊。細。雨。空。飛。九。日。花。水。鬢。蕭。疎。驚。節。序。雄。心。寂。寞。對。京。華。野。人。只。有。遼。東。帽。遮。莫。西。風。吹。孟。嘉。

空。翠。微。茫。秋。氣。迴。晴。雲。獨。向。苑。中。開。白。邊。地。擁。層。宮。出。天。際。江。排。疊。嶂。來。風。雨。連。城。誰。送。酒。客。懷。千。古。一。

登。臺。吾。生。好。赴。廬。山。飲。白。社。黃。花。夢。百。回。

張獻翼

字切于號壺梁長洲人嘉隆間監生

投贈無眎蘇君楫沈元異

切于以詩映
投前氏偶
未入選乃
形夢寐豈
文章固自
為神物乎

白。門。煙。月。勝。揚。州。十。四。樓。中。第。一。流。眉。學。遠。山。餘。黛。色。心。將。初。柳。結。春。愁。渡。頭。桃。葉。王。孫。草。巷。口。烏。衣。客。

明詩七言律卷八

三

子。裘。都。市。相。逢。多。意。氣。與。君。同。作。五。陵。遊。

送別柳明府

孤。臣。明。發。向。天。涯。楚。水。蘼。蕪。感。別。離。雞。肋。官。情。元。自。薄。羊。腸。世。路。益。堪。悲。兵。戈。誰。念。星。霜。久。心。事。空。餘。草。木。知。五。斗。一。官。猶。不。偶。送。君。惟。有。淚。如。絲。

寄吳太守

曾。於。白。雪。見。文。章。不。為。青。山。憶。武。昌。藝。苑。本。名。多。七。子。宦。途。心。事。半。三。湘。人。前。落。筆。誇。鸚。鵡。郡。內。褰。帷。下。鳳。凰。見。說。漢。廷。思。校。獵。未。容。長。孺。薄。淮。陽。

莫雲卿

字少江華亭人嘉隆間庠生

莫生跌宕
可想儁才

贈陸生名遠

年少風流重陸郎名都花月馬蹄忙論功早謝封侯
賞好俠多從結客場新學五禽探妙訣舊彈雙鋏助
清狂看君一指還丹術金鼎空傳肘後方

贈洪山人霍山人故大司馬胡公幕客也

廿年踪跡自支離把酒能談五岳奇遠興每將瑤草
寄雄心不負寶刀知圖書夜月空山侶裘馬春風故
國思聞說西園清燕罷更於何處定交期

明詩七言律卷八

廿四

汪言臣

字士官御史

號葉瀛四川巴縣人萬曆丁丑進

登魁星樓

高閣崔嵬壁水旁軒窓八面立滄茫海雲朝擁蓬萊
色天漢霄連星斗光萬雉雄城覺底落九衢甲第檻
前翔我來還對中秋月瑟瑟風多桂子香

趙時春

號浚谷陝西平涼人

嘉靖丙戌會元官至

登孟津山河壯觀樓

漾風款棹下河洲更躡危梯上一樓四顧湖山雲香
香獨憐鴻鵠晚悠悠淒涼古樹含秋色窸落寒天起

汪公讀書草

秘他作尚未

出乃茲一首

雄雉奇拔如

萬仞峨嵋拖

星挂月氣氣

駭人足為大

趙公才蕪文

武人能言之

顧其詩集馳

出採掇無由

乃茲計部胡

公校選會刻

海其同客可謂相遇

暮愁無限詠懷今古意。滔滔河水自東流。

秋思

三首寄意遠而造無精工大有工部秋興之韻

即看碣石通滄海。何處秋光不損神。衰草白沙天外靜。落霞黃菊晚來新。獨垂共鳥懷鄉淚。誰念湘潭放逐臣。歸去惟尋河上叟。滄浪湯濯羽綸巾。

朱雀星流紫閣通。青龍日轉玉繩東。三秋幾酒恒山雨。萬里長吹朔塞風。繡柱銀橋投海燕。錦條金彈失冥鴻。欲將仙棹浮瀛島。坐看蓬萊接混濛。

留滯

明詩七言律卷八

廿

留滯滄洲已浹旬。鷓冠終日滿風塵。浮雲何事來還往。歲月無情秋復春。海甸中宵來驛使。天涯盡處未歸人。不堪對酒翻悵惆。翠篠黃花幾度新。

和唐應德見懷

兩地孤蹤信所如。三年一見故人書。絕愁清曉星寒落。還憶皇州月滿楸。綠髮垂絲爭似昨。丹心狂態宛如初。滄浪幸有狎鷗處。肯學湘纍怨索居。

寄王壽夫銓部

帝都一別幾經秋。聞道投簪返故丘。四海交情多逐

中聯似樞邊老驥嘶嘶嘶風

次聯感慨今

昔令人泣下
求職又令人
洒然自得

中懸龍句可
與在藥爭奇

客十年裘馬倦塵遊。朝廷有道閒居好。天地無心歲
月流。細數韶華研物理。人間何事不悠悠。

同左大卿詠芍藥

幽賞曾聞上巳辰。邊城開到已無春。朱英裊露垂垂
發。碧葉含風細細勻。水散餘香生晚潤。光繁朝靄倍
精神。自憐草履陪冠蓋。對酒相看幾度新。

萬峯樓讀書

萬峯樓上萬峰齊。獨抱幽懷望欲迷。秋檻倚風回塞
雁。星軒入夜報天鷄。瑤池恍惚崑崙北。金檢分明華

因詩七言卷六

廿六

嶽西叅罷龍圖收暝色。不知天祿少雲梯。

蔡可教

副

字子受号有吾成安人嘉靖間進士官憲

早春即事

關津罷守拂衣行。回首風塵感慨生。投杼豈綠慈母
意。償金應見古人情。雪殘已度隨陽鴈。風煖仍聞出
谷鶯。相對濁醪歌伐木。上林虛擬有同聲。

峽石驛遣懷

侯館蕭條夜雪深。途窮何必淚沾襟。紅塵奔走空三
載。黑髮歸來抵萬金。抱璞肯為和氏泣。携囊惟有伯

蔡天温文雅
度詩亦似之
唐之劉隨州
孟襄陽殆翼
魏類乎

蔡氏伯仲意
氣翻各以
作者有確其
詩未可多得
謝不班而已

牙琴風濤一任翻湖海倚杖聊為梁甫吟

邵寄郭樂泉年丈

美人遙望隔秦關尺素飛來霄漢間下得隋珠驚白眼那知楚客老紅顏神龍漫擬終相合倦鳥仍慙不自還漳水月明空有淚回看華岳杳難攀

邢州道中

北闕鶯花夢已殘東風匹馬又長安乾坤到處憐木少今古誰非行路難華髮旅中頻覽鏡綈袍天上幾彈冠酬恩自許心仍赤不厭時人白眼看

明詩七言律卷八

廿七

答穆考功少春見寄

中散從來懶作書山公何事復朝予虛疑推轂無知己實喜還山有敝廬蝴蝶夢中聊自適鷗鷺天外竟何如故人若肯來相訪曲巷還容駟馬車

藺石司馬東泉年丈

鵲噪柴門逼歲除兒童喜接故人書初聞幕府承新命何意綈袍及敝廬天上憐君陪侍從山中媿我伴樵漁春蒐敵罷長揚賦竚想佳音慰索居

送王令之葉

仙令新除出建章。星軺指日下昆陽。一尊酒送青驪
遠。百里花迎墨綬香。雪盡高峰浮劍氣。春回漁水抱
琴堂。雙鳧况有凌雲翮。還見翻飛入帝鄉。

寄河間守燕益齋

漢庭分竹古諸侯。五馬翩翩領上游。起草才名餘畫
省。隨車甘雨徧瀛洲。群樓下瞰滄溟靜。天闕遙瞻紫
氣浮。三輔祗今無寇盜。少卿那得久淹留。

次韻贈左山人西陵

日出茅堂凍始開。援琴忽見子期來。風塵逆旅人千
里。霜月清霄酒一杯。計就屠龍非我志。詩成倚馬自
君才。不嫌兄弟俱漂泊。翻喜漁樵得共陪。

送少府宗弟之脩武

棣花元是漢賢良。此日承恩出建章。折柳漫愁分闕
下。看花且喜向河陽。月窺盤谷寒聲遠。春入溫潭草
色芳。聖主綸才方破格。定知此去有輝光。

送吳門朱山人還汴

霜落彭門樹色秋。與君尊酒暫淹留。十年湖海誰青
眼。千里風塵共白頭。已見仙槎浮汴水。還知聲價重

吳鈞寄言梁苑諸公子。莫向馮生誚蒯緱。

餞別仲弟

離亭醺酒淚霏霏。千里思歸未得歸。愧我簿書勞郡事。憐君車馬向庭闈。年年草色逢春綠。夜夜鄉心入夢飛。一望雲山一惆悵。紫衣何似老萊衣。

蔡可賢

副

字子齊。号見菴。成安人。嘉靖間進士官憲。

寄懷符卿石東泉年丈

子齊長髮高軒自號高陽居士平生論詩少所與可特稱有

爾自雲霄侍從臣。天涯諸弟幾沉淪。紅顏已幸逢新主。青眼那堪少故人。萬里入秦還贈策。千金辭趙且

明詩七言律卷八

廿九

五

垂綸。遙知吹笛燕山月。落盡梅花別有春。

歲初再訪穆敬甫於逍遙園中言懷

一別逍遙十七年。入門周覽思悠然。林間燕雀青春色。石上龍蛇白雪篇。河朔酒杯淹日夜。濠梁釣艇宿風烟。阿翁精健郎君美。信是韋家不乏賢。

出郭尋芳到楚塵。蒼茫遠意足留連。無邊樹色高吟外。不斷花香大嚼前。幾點殘山邀落日。半池寒水荻

春烟。此中儘可長栖息。翻恐重飛萬里天。

春去春來柰若何。浮生光景易蹉跎。當年共許心仍

莫字李手鑄王元美二子未復齒及不佞他日必以詩名也此篇其先告哉

蔡三詩家舉余與之為壇作五百之內各戰不解甲今復以痛刻於餘首貽余逸氣形翻居然空為之絕倒矣

赤此日誰憐髮色。瞻虎豹九重關。日月魚龍萬里窟。
江河。若知隱顯皆吾適。但倚斜陽發嘯歌。

世路悠悠那可量。聊從詹尹卜行藏。逝將鼓枻浮滄
海。抑或驅輪度大行。閑塞極天元亮月。江湖滿地伯
奇霜。著龜未必能知事。何復區區較短長。

結客黃金爾最雄。相然相信此心同。清光夜嘯盤山
月。俠氣寒生易水風。九萬扶搖機未息。五千文字道
何窮。明年若更遊燕市。不必逢人說蔡邕。

屈指青霄幾故人。尚書高義出風塵。身依北斗司喉

明詩七言律卷八

卅

舌心切南山。問隱淪。皎皎郭隗臺上月。融融鄒衍谷
中春。公車不斷徵屠釣。猶有漁竿在水濱。

翹首高天日未斜。薊門開府憶張華。威行九部秋傳
檄。令肅三軍曉建牙。櫪上驂騮嘶漢月。幕中樽俎靖

胡沙。夜來何物冲牛斗。知是江湖有鑊鉏。

鰲頭二妙領中書。不愧科名語不虛。日下共趨雙鳳
闕。雲間齊御六龍車。故人情溢彈冠外。明主恩深按
劍餘。却憶五更三握後。月明常照紫薇居。

逍遙聊爾共徜徉。明日看雲是兩鄉。伐木道存猶不

棄采葑思在詎相忘鏡中白髮年年短枕上丹心夜
夜長萬一輕塵生大漠誰將羽獵奏明光

再別逍遙思不禁蒼然愁色滿芳林蛟龍池上雲空
合鳥雀門前草自深借問槃跚還敲玉何如儻儻竟
辭金絕交休學稽中散恐負山濤一片心

穆敬甫席會韓李二公作

東風重與漆園期醴酒殷勤慰所思何幸識韓兼御
李為尋舊好得新知輝輝寒日鶯啼澁歷歷春星鴈
度遲爾輩青春吾輩老江湖廊廟總相宜

